

Parlament Federacije BiH usvojio Strategiju infrastrukture prostornih podataka FBiH za period 2023. – 2027.

05.03.2025 14:15



Infrastruktura prostornih podataka Federacije Bosne i Hercegovine

Federalna uprava za geodetske i imovinsko-pravne poslove

Nakon što je Vlada Federacije Bosne i Hercegovine usvojila Strategiju infrastrukture prostornih podataka Federacije BiH (IPP FBiH) za period 2023. – 2027. godine na sjednici održanoj 04.10.2023. godine, oba doma Parlamenta Federacije BiH su usvojila odluku kojom se ovaj strateški dokument formalno potvrđuje i donosi.

Strategija IPP FBiH 2023. – 2027. je ključni višesektorski dokument koji doprinosi unapređenju dostupnosti, interoperabilnosti i kvalitete prostornih podataka. Njeni osnovni ciljevi uključuju definisanje prioritarnih aktivnosti i projekata koji će omogućiti efikasnije korištenje prostornih podataka u javnoj upravi, privatnom sektoru i akademskoj zajednici, olakšati digitalnu transformaciju te osigurati usklađenost sa zahtjevima EU direktiva.

Proces izrade Strategije započeo je 14.07.2022. godine Odlukom Vlade FBiH V.broj: 1077/2022, a njeni nosioci su Federalna uprava za geodetske i imovinsko-pravne poslove i Vijeće IPP FBiH, u skladu sa Zakonom o infrastrukturi prostornih podataka FBiH. U izradi Strategije su učestvovali i organi javne vlasti odgovorni za prostorne podatke, kao i relevantni socio-ekonomski partneri.

Implementacija Strategije će se provoditi kroz trogodišnje i godišnje planove rada, Dokument okvirnog budžeta i budžet FBiH, kao i kroz Program javnih investicija. Njena realizacija omogućit će kvalitetnije upravljanje prostornim podacima, njihovu veću dostupnost i efikasnije korištenje u donošenju odluka, razvoju ekonomije i zaštiti okoliša.

Stupanjem na snagu, Strategija infrastrukture prostornih podataka Federacije BiH 2023. – 2027. postaje ključni okvir za koordinirani razvoj prostornih podataka u Federaciji BiH, čime se doprinosi jačanju institucionalnih kapaciteta, efikasnijem upravljanju resursima i jačanju regionalne i međunarodne saradnje u oblasti geoinformatike.

Dokument strategije moguće je preuzeti putem zvanične stranice Infrastrukture prostornih podataka FBiH – www.ippfbih.gov.ba.